

ՎԱՍԱԼԱ-ՍՅՈՒՋԵՐԵՆԱԿԱՆ ՀԱՐԱՔԵՐՈՒԹՅՈՒՆՆԵՐԸ
ԲԱԳՐԱՏՈՒՆՅԱՑ ՀԱՅԱՍՏԱՆՈՒՄ X—XI ԴԴ.

ՌԱՅԱՑՆԸ ՄԱԹԵՎՈՍՏԱՆ

IX դ. վերջում հայ ժողովուրդը տապալեց արաբական լուծը և վերականգնեց իր պետականությունը: Հայաստանում առաջ եկավ քաղաքական կազմավորում՝ Հայոց թագավորությունը, ուր գերագույն իշխանությունը պատկանում էր Բագրատունյաց տոհմի Շիրակ—Արշարունիքի ճյուղին: Այդ կարևոր իրադարձությունները տեղի էին ունենում այնպիսի ժամանակաշրջանում, երբ ֆեոդալական հասարակությունը Հայաստանում թևակոխել էր զարգացած ֆեոդալիզմի դարաշրջանը, ուր տոհմական հողատիրությունը փոխարինվել էր անհատ ֆեոդալների բաժնետիրական հողատիրությամբ¹: Հողատիրական իրավունքի մեջ տեղի ունեցած այդ տեղաշարժերն էական փոփոխություններ էին առաջ բերել վասալա-սյուզերենական հարաբերությունների համակարգում: IX դ. Հայաստանում նորից ձևավորվել էր ֆեոդալական սանդուղքը, որի ներսում Արշակունյաց շրջանի համեմատ տեղի էին ունեցել որակական վերադասավորումներ. տանուտերերին փոխարինել էին գահերեց իշխանները, իսկ ասպարեզից հեռացած Արշակունիների տեղը գրավել էին Բագրատունիները:

Բագրատունյաց պետության գահակալների իրական ուժի ու զորության մասին հայ պատմագիտության մեջ արտահայտվել են տարբեր կարծիքներ, որոնք հակադիր տեսանկյուններից են պատասխանել այդ հարցին՝ կա՛մ նրանց համարել են բացարձակ միապետներ, կա՛մ գիտել որպես ձևական թագակիրներ: Խնդրո առարկա հարցին բավարար պատասխան տալու համար անհրաժեշտ է վերլուծել IX—XI դդ. Հայաստանի ֆեոդալական հասարակության ներսում գործող հիմնական ինստիտուտները, առաջին հերթին ժառանգական խոշոր հողատիրությունը և վասալիտետը: Ինչ վերաբերում է առաջինին, ապա նախորդ մասնագետների հետազոտություններում այդ պրոբլեմը հետազոտվել է անհրաժեշտ խորությամբ և պարզաբանվել, որ IX դ. Հայաստանում արմատավորվել էր ժառանգական խոշոր հողատիրությունը, ֆեոդալները գավառներին և նահանգներին տիրել են մասնավոր սեփականատիրական իրավունքով, որի շնորհիվ նրանք կալվածքների ոչ միայն տնտեսական, այլև քաղաքական տերերն են եղել: Խոշոր ֆեոդալների տնտե-

¹ А. Сук и а с я н, Общественно-политический строй и право Армении в эпоху раннего феодализма, Ереван, 1963, стр. 62, 104, 197, 2. Բ ու մ ա ն յ ա ն, Հայաստանի տնտեսական զարգացման պատմություն, Երևան, 1960, էջ 62, 105, 107, Բ. Առաքելյան, Ժառանգական խոշոր հողատիրության հետագա զարգացումը («Հայ ժողովրդի պատմություն», հ. III, Երևան, 1976, էջ 166):

սական հզորությունն ու անկախությունը ժառանգական տիրույթների սահմաններում քաղաքական ինքնուրույնություն ձեռք բերելու հիմք է հանդիսացել²։ Մյուս ինստիտուտը՝ վասալիտետը, առայժմ քիչ է ուսումնասիրված։ Ընդհանուր առմամբ այն դիտվում է որպես վասալ իշխանների պարտականությունների ամբողջություն թագավորի հանդեպ (զինվորական ծառայություն, պաշտոնավարություն, հավանաբար նաև հարկատվություն), այնինչ վասալիտետի դերն ու նշանակությունը շատ ավելի լայն էր, քանի որ ֆեոդալիզմի ժամանակ վասալա-սյուզերենական կապերի վրա էր խարսխված հասարակության քաղաքական կառուցվածքը։ Այդ իսկ պատճառով IX—XI դդ. սկզբնաղբյուրների ընձեռած նյութի սահմաններում ցանկանում ենք հատուկ անդրադառնալ վերոհիշյալ ինստիտուտին։

IX դ. վերջում Հայաստանում ամենաազդեցիկ ֆեոդալն էր իշխանաց իշխան Աշոտ Բագրատունին, որը 885 թ. դարձավ Հայոց թագավոր։ Նա էր գլխավորում ֆեոդալական սանդուղքը և երկրի բոլոր խոշոր ու մանր իշխանական տները ճանաչում էին նրա գերադասությունը։ Հովհաննես Դրասխանակերտցու վկայությամբ, «ամենեքեան դաշինս ընդ նմա դնէին» որպէս արդարև ընդ թագաւորական զարմի», իսկ Աշոտի եղբայր սպարապետ Աբասը աջակցում էր նրան և «զամենեանս հնազանդէր ընդ լծով ծառայութեան»³։ Դրասխանակերտցու գործածած «դաշինք» և «ծառայություն» բառերը արտահայտում են դաշնակցությունը թագավորական իշխանության և ֆեոդալների միջև, այլ կերպ ասած՝ տվյալ ժամանակաշրջանի գերադաս և ստորադաս ֆեոդալների միջև եղած սյուզերենական-վասալական կապը։

Դեռ վաղ միջնադարում «ծառայութիւն» էին կոչվում վասալների զինվորական և այլ տիպի պարտականությունները սենյորի հանդեպ⁴։ IX—XI դդ. այդ տերմինը պահպանել էր իր սոցիալական բովանդակությունը։ Այդ շրջանում ֆեոդալների վասալական պարտականություններն արտահայտվել են «ծառայութիւն», «հարկ ծառայութեան», «ծառայական սպասավորութիւն», «վարձ ծառայութեան», «մտերմական ծառայութիւն» բառերով⁵։ Ծառայությունը կատարվում էր կողմերի միջև կնքված համաձայնագրի հիման վրա,

2 Վ. Բարխուդարյան, Ֆեոդալական հողատիրությունը Հայաստանում 9—11 դդ. (թեկնածուական դիսերտացիա), Երևան, 1954, էջ 61—63, 163, Բ. Առաքելյան, նշվ. աշխ., էջ 165—172, նույնի՝ Քաղաքները և արհեստները Հայաստանում IX—XIII դդ., հ. 1, Երևան, 1958, էջ 37—41, Հ. Թումանյան, նշվ. աշխ., էջ 105—125, Հ. Ութմազյան, Սյունիքը IX—X դդ., Երևան, 1959, էջ 127—136, Հ. Հարությունյան, Հայաստանը 9—11 դդ., Երևան, 1959, էջ 127—136, С. Еремян, Опыт периодизации истории Армениии эпохи феодализма («Вопросы истории», 1951, № 7, стр. 60—61).

3 «Ճովհաննէսի կաթողիկոսի Դրասխանակերտցու պատմութիւն Հայոց», Թիֆլիս, 1912, էջ 133, 135։

4 Н. Адонц, Армения в эпоху Юстиниана, СПб., 1908, էջ 459, 470, А. Суканасян, նշվ. աշխ., էջ 202, 207, Հ. Մանանդյան, Ֆեոդալիզմը հին Հայաստանում, Երևան, 1934, էջ 45, 60։

5 «Թովմայի վրդ. Արծրունու Պատմութիւն տանն Արծրունեաց», ՍՊԲ, 1887, էջ 235—236, 239, 278—279, Հովհաննէս Դրասխանակերտցի, էջ 161, 173, 206, 209—210, 291—292, 295, «Պատմութիւն Անանու ղրուցադրի կարծեցեալ Շապուհ Բագրատունի», Երևան, 1971, էջ 171, 197, «Մատթէոս Ուռհայեցու ժամանակագրութիւն», Վաղարշապատ, 1898, էջ 79։ Այլ կերպ վասալի ծառայությունը կոչվում էր «միամիտ հնազանդութիւն» (Հովհաննէս Դրասխանակերտցի, էջ 171, 173, 291)։

որը հայկական աղբյուրներում կոչվում էր «դաշինք» կամ «ուխտ»⁶։ Նման «դաշինքներով» կողմերի միջև հաստատվում էր «միաբանութիւն»⁷։ Համաձայնագիր՝ «դաշինք» կամ «ուխտ» կազմելիս գրվում էր «եղման» թուղթ, ուր իշխանն ու վասալը շարադրում էին իրենց պարտականությունները։ «Ուխտ» կազմելու մանրամասները պատմիչներից ոչ մեկը, ցավոք, չի նկարագրել։ Ըստ երևույթին այն ուղեկցվել է ծիսական բնույթի արարողությամբ, ինչպես այդ մասին ակնարկում է Դրասխանակերտցին, մի հակիրճ վկայություն՝ 922 թ. Աշոտ Երկաթը (914—929) ընդհարվել էր իր վասալ, իշխան Սահակ Սևադայի հետ, որը ոմանց շարախոսությունից դրդված, ըմբոստացել էր թագավորի դեմ։ Երկուսն էլ պատրաստվել էին կռվի, բայց իշխանների միջնորդությամբ ճակատամարտը կանխվել էր։ Ապա, գրում է պատմիչը, «բաղում ուխտ եղմանց գրով կնքեալ տան իրերաց քրիստոսադիր կիտին և միջնորդութեամբ սրբոյ նշանի խաչին»⁸։

Եղման թուղթ ունեցող ֆեոդալներից Դրասխանակերտցին հիշատակում է նաև Գեղարքունիքի իշխան Վասակ Սյունեցուն։ Վերջինս ինչ-որ առիթով պետք է ներկայանար արքային (Աշոտ Երկաթին), բայց երկյուղում է և պահանջում «եղման» երաշխիք։ Կաթողիկոսի միջնորդությամբ ստանալով անհրաժեշտ երաշխիքը, Վասակը ժամանում է Աշոտի մոտ, բայց շուտով թագավորի կասկածամտության պատճառով բանտարկվում է Կայան բերդում։ Այդ արարքի համար կաթողիկոսը կշտամբում է թագավորին՝ «վասն ստելոյ ուխտին եղման»⁹։

Պատմիչի այս խոսքերից պարզվում է, որ Գեղարքունիքի իշխան Վասակը, Սահակ Սևադան և Աշոտ Երկաթը կնքել էին «եղման ուխտ»՝ պայմանագիր, որը հաստատվել էր երդումով։ Ֆեոդալիզմի ընդհանուր պատմությունից հայտնի է, որ սենյորի ու վասալի հարաբերությունները կարգավորվում էին հատուկ պայմանագրով, ըստ որի սենյորը վասալի զինվորական ծառայության դիմաց պետք է հովանավորեր և պաշտպաներ նրան։ Պայմանագրի կնքումը ուղեկցվում էր հանդիսավոր արարողությամբ, որը կոչվում էր «օմաժ» (hommage) և լրացվում էր երդումով՝ «ֆուա» (foi). գրվում էր նաև հատուկ հրովարտակ¹⁰։ Դրասխանակերտցուց վերը մեջբերած տողերից երեւիաց, որ X դ. Հայաստանում վասալական պայմանագրի կնքումը նույնպես ուղեկցվել է արարողությամբ. գրվել է հատուկ թուղթ, որ հաստատվել է երդումով։ Ուխտի հիման վրա սենյորի և վասալի միջև հաստատված կապը «Դրասխանակերտցին անվանում է «միաբանութիւն»։ Նա գրում է, որ Սյունյաց մեծ իշխան Սմբատը չընդառաջեց Ատրպատականի Ավշին ամիրայի առաջարկին և շուգեց խախտել միաբանությունը Հայոց արքայի հետ»¹¹։ Միաբա-

⁶ Ատրպատականի ամիրա Ավշինը Վասպուրականի իշխան Աշոտ Արծրունուն առաջարկել էր «Դաշինս ուխտի» (Թովմա Արծրունի, էջ 273)։ Նույն դեպքի մասին Հովհաննես Դրասխանակերտցին գրում է, որ Աշոտը «երփեղկեաց դաշինս ուխտի», որն ուներ Սմբատ Ա Բագրատունու հետ և զնաց Ավշինի մոտ (էջ 171, 173)։ Տե՛ս նաև՝ Մատթեոս Ուսեայիցի, էջ 51։ Վասալական ծառայության պայմանագիրը կոչվում էր «ուխտ» նաև Արշակունյաց շրջանում (Н. Адонц, նշվ. աշխ., էջ 469)։

⁷ Հովհաննես Դրասխանակերտցի, էջ 172, 269։

⁸ Նույն տեղում, էջ 307, 313։

⁹ Նույն տեղում, էջ 305։

¹⁰ «Советская историческая энциклопедия», т. 2, стр. 1004; т. 10, стр. 553.

¹¹ Հովհաննես Դրասխանակերտցի, էջ 172։

նույն խախտումը կնշանակեր մերժել «խնամոցն հայրաքան սիրոյն»¹²։ Խնամողը տվյալ դեպքում սենյորն էր, որը X—XI դդ. հայկական աղբյուրներում անվանվում է «հայր», իսկ նրա վասալը՝ «սիրելի որդի»։

Վասալը դերադաս ֆեոդալի մոտ մտնելով ծառայության, պարտավորվում էր սիրել նրան «որպէս հօր հարազատի», իսկ սենյորը իր հերթին պարտավորվում էր խնամել նրան որպես «որդույ սիրելւոյ»։ Վերը բերված օրինակում, Սմբատ Ա-ն (890—914) Սյունյաց Սմբատ իշխանին հավատարմության համադրնդունում է որպես «որդի սիրելի» և նրան մեծ պատիվներ տալիս։ Աշոտ։ Երկաթը ևս Սևադայի երկրորդ խոռովության ժամանակ, երբ վերջինս դրա՝ էլ էր Ձորոփոր գավառի բերդերը (Կայան և այլն), փորձում է հաշտվել նրա հետ և պահանջում վերադարձնել գրաված ամրոցները, որպեսզի «եղիցի միաշարր խաղաղութիւն ի մէջ մեր՝ որպէս հօր հարազատի և որդույ սիրելւոյ»¹³։

Շատ հստակ է արտահայտված այդ կապը Ասողիկի մոտ։ 1001 թ. Գագիկ Ա-ի դեմ ըմբոստացած և պարտված Դավիթ Անհողինը հնազանդվում է շահնշահին և պարտավորվում է ենթարկվել Գագիկին՝ «իբրև որդի առ հայր», իսկ արքան իր հերթին պարտավոր էր «հայրենի խնամով սիրել զնա»¹⁴։

Եթե վասալ ֆեոդալների նկատմամբ թագավորը «հայր» էր, ապա թագավորական ընտանիքի մյուս անդամների՝ իր եղբայրների և մյուս մերձավոր ազգականների նկատմամբ, որոնց Դրասխանակերտցին անվանում է «արքունի տան գահերեցներ», «հայրագլուխ»¹⁵ էր։ Բագրատունի մյուս տոհմակից իշխանների համար Հայոց թագավորը միաժամանակ նաև «ազգապետ» էր¹⁶։

Այսպիսով, աղբյուրները վկայում են, որ Հայոց թագավորության շրջանակներում (իսկ 862—885 թթ. նաև Բագրատունի իշխանաց իշխանի իրավասության սահմաններում) հայ ֆեոդալներն ուխտերով (վասալական պայմանագրերով) համախմբված էին Բագրատունիների ազգ տոհմաճյուղի՝ Շիրակ-Արշարունիքի գահերեցների շուրջը։ Աղբյուրները վկայում են, որ իշխանները կատարում էին համաձայնագրերից բխող իրենց պարտականությունները՝ զինապարտությունն ու պաշտոնավարությունը։ Այսպես, Միջագետքի ամիրա Ահմադի դեմ պատերազմելիս Սմբատ Ա-ի բանակում կային բազմաթիվ հայ իշխաններ, իրենց ջոկատներով¹⁷։ Նույնը եղավ 894 թ. Դողսի և 910 թ. Ջկնավաճառի ճակատամարտերի ժամանակ¹⁸։ Շապուհ Բագրատունուն վերագրվող երկի հեղինակը Սմբատ Ա-ի բանակում հիշատակում է բազմաթիվ իշխանական տների ներկայացուցիչներին¹⁹։ X դ. 30-ական թվական-

¹² Նույն տեղում։

¹³ Նույն տեղում, էջ 172, 311։

¹⁴ «Ստեփանոսի Տարոնեցույ Ասողկան Պատմութիւն տիեզերական», ՍՊԲ, 1885, էջ 280, տե՛ս նաև Թովմա Արծրունի, էջ 279, Հովհաննես Դրասխանակերտցի, էջ 135, 140, 172, 200, 285, Կարծեցյալ Շապուհ Բագրատունի, էջ 191, Մատթեոս Ուռհայեցի, էջ 49, 83։

¹⁵ Հովհաննես Դրասխանակերտցի, էջ 143, «Մանր ժամանակագրություններ», հ. 2, XIII—XVIII դդ., կազմեց Վ. Հակոբյան, Երևան, 1956, էջ 501։

¹⁶ Մատթեոս Ուռհայեցի, էջ 84։

¹⁷ Թովմա Արծրունի, էջ 237, Կարծեցյալ Շապուհ Բագրատունի, էջ 175, 175։

¹⁸ Հովհաննես Դրասխանակերտցի, էջ 218, Ասողիկ, էջ 164։

¹⁹ Կարծեցյալ Շապուհ Բագրատունի, էջ 189։

ների վերջում, արաբական ամիրաներից մեկի դեմ հարձակման ժամանակ Արաս Բագրատունուն (929—953) օգնության հասավ՝ Վասպուրականի Գագիկ Արծրունի թագավորը²⁰։ Առավել պերճախոս է Աշոտ Գ-ի (953—977) գլխավորած հայկական բանակի կազմը, որը 974 թ. Չմշկիկ կայսեր արշավանքի պատճառով մտել էր Հարթ։ Նրա կազմում էին ռաֆայելյան ազատքն և իշխանքն և ամենայն մեծամեծքն աշխարհաց», այդ թվում Վասպուրականի, Սասունի, Տաշիրի, Անձեպայաց, Կապանի, Կարսի իշխաններն ու թագավորները²¹։ Ասողիկի վկայությամբ, Սմբատ Բ-ի (977—990) բանակում էին Վասպուրականի, Կարսի, Սյունյաց, Տաշիրի թագավորների և իր եղբայր Գագիկի զորամասերը²², իսկ Գագիկ Ա-ի բանակում՝ կարսիցիների, Պաշլավունիների և ընդհանրապես ռաֆայելյան զորքն Հայոց²³։

Վասալի կողմից պարտականությունների խախտման և ընդհանրապես անհնազանդության դեպքում Հայոց թագավորները դիմում էին պատժիչ միջոցների։ IX—XI դդ. պատմությունից հայտնի են բազմաթիվ դեպքեր, երբ արքաներն «ուխտը» խախտելու համար պատժում էին իրենց վասալին։

Աշոտ Երկաթը պատժեց (կուրացրեց) Սահակ Սևադային և Մովսես իշխանին²⁴։ Վանանդ գավառի հայրենատերերի (Սահակ Մլեհի) խռովությունը ճնշեց Աշոտ Ա-ի եղբայր սպարապետ Աբասը, իսկ նրանց կալվածքները բռնագրավվեցին հարքունիս²⁵, 1001 թ. Գագիկ Ա-ն պատժեց Դավիթ Անհողինին և նրա տիրույթների մի մասը՝ Աղստեղի լեռնահովիտը, Կայան և Կայծոն բերդերով հանդերձ հանձնեց Պաշլավունիներին²⁶։ Սմբատ Բ-ն Կարսի թագավոր Մուշեղից խլեց Շատիկ ամրոցը։ Չնայած շուտով այն վերադարձվեց Մուշեղին, այնուամենայնիվ Կարսի Բագրատունիները ի վերջո կորցրեցին այն։ XI դ. 20-ական թվականներին Շատիկն անցել էր արքունիքին և պատկանում էր Հովհաննես-Սմբատի եղբայր Աշոտ Դ-ի վասալներից մեկին²⁷։ Հավատարիմ ծառայությունը հատուցվում էր պատիվներով և կալվածքներով։ Արդեն ասվեց, որ Պաշլավունիներին տրվեց Կյուրիկյաններից խլված Կայանն ու Կայծոնը։ Սմբատ Ա-ն Վասպուրականի իշխան Աշոտին (Գրիգոր-Դերենիկի որդուն) ռազմական օգնության դիմաց խոստացել էր տալ քաղաքներ. դուռներ, գավառներ²⁸։

Ավելի փոքր ֆեոդալական տների ներկայացուցիչներն արքունիքում և տեղերում վարում էին տարբեր վարչական պաշտոններ։ Դրանցից կարելի է հիշատակել Նիգ գավառի տեր Գնթունիներին։ Հասան Գնթունին վարում էր մի պաշտոն, որը կոչվել է «հրամանատար տան արքայի», «իշխան և հրամանատար տերութեան արքայի», իսկ նույն տոհմից Վասակ և Աշոտ եղբայրները

20 Թովմա Արծրունի, էջ 300։

21 Մատթեոս Ունշայեցի, էջ 17։

22 Ասողիկ, էջ 252—253։

23 Նույն տեղում, էջ 267, 270։

24 Հովհաննես Գրասխանակերտցի, էջ 303—304, 314։

25 Նույն տեղում, էջ 144։

26 «Հավաքումն պատմութեան վարդանայ վարդապետի», Վենետիկ, 1862, էջ 93, Ասողիկ, էջ 280, Դ. Ալիշան, Այրարատ, Վենետիկ, 1890, էջ 271։

27 Ասողիկ, էջ 188, «Պատմութիւն Արիստակիսի լաստիկերտցու», աշխատասիրություններ 4, Յուզբաշյանի, Երևան, 1963, էջ 27։

28 Թովմա Արծրունի, էջ 327։

վերակացու և բերդապահներ էին Բագրատունիներին պատկանող Տաշիրում²⁹։ Այդպիսի վերակացուներ էին նաև Մովսես իշխանը և Յլիկ Ամրամը Տա-
վուշում³⁰։

Այս բոլորից հետո ծառանում է Բագրատունյաց թագավորության գնա-
հատականի հարցը։ Լ. Մանանդյանի այն կարծիքը, որով ֆրանսիացի արե-
վելագետ Լորանի ազդեցությամբ Բագրատունյաց թագավորությունը որակվել
է որպես թագավորական տիրույթս առանց թագավորական իշխանության, հիմ-
նավորված չէ և մերժվում է սկզբնաղբյուրների տվյալներով։ X դ., գրում է
Լ. Մանանդյանը, Հայաստանի բոլոր մեծ ֆեոդալները նույնպես դարձան
«խաղաղորներ» և ունեին նույնպիսի թագավորական հանդերձանք և թագ,
ինչպիսին ունեին Աշոտ Ա-ի հաջորդները³¹։ Հազիվ թե կարիք կա ապացու-
ցելու, որ հարցի Լուծյունը հանդերձանք ու թագ ունենալու մեջ չէր, շնայած
այս առումով ևս Լ. Մանանդյանը նույնպես սխալվում է. Հայաստանում ոչ
մի ֆեոդալ չի ունեցել «ամենայն Հայոց թագավորի» հանդերձանքը, բացի
Բագրատունի գահերեցից, որը միաժամանակ խալիֆի կողմից ճանաչված էր
«շահնշահ» և կրում էր համապատասխան տարազ՝ արաբական խալաթ և չալ-
մա³²։ Լ. Մանանդյանը նկատի ունի մի քանի գավառական թագավորություն-
ների գահակալներին, որոնք X—XI դդ. իշխում էին Հայաստանի տարբեր մա-
սերում, բայց նրանց չի կարելի հավասարեցնել «Հայոց թագավորին», միայն
թագավորական տիրույթս կրելու պատճառով։ Նման մեկնաբանությամբ տեղի
է ունենում մեխանիկական հավասարեցում տարբեր տիպի գահակալների
միջև այն ձևական պատճառով, որ նրանք աղբյուրներում միանման հորջոր-
ջումով են հանդես գալիս։ X դ. շահնշահների և մյուս թագավորների հողա-
տիրություն իրավունքի և ռազմատնտեսական կարողությունների միջև հողա-
յին տիրույթների մեծությունից կախված որոշակի տարբերություն է եղել, որը
ծածկվել է ընդհանուր՝ «թագավոր» տիտղոսով։

Այսույնպես, Լոռվա կամ Կարսի թագավորները նշված ցուցանիշներով շատ
էին զիջում շահնշահներին։ Բացի այդ, նրանց միջև կային ներքին տարբերիչ
կողմեր, որոնք պայմանավորված էին տեղական առանձնահատկություննե-
րով։ Այսպես, Տաշիր-Չորոփորում իշխող Կյուրիկյանները նույնիսկ երկրա-
մասի հայրենատերերը չեն եղել, նրանք «Տաշիր երկիրը» (Լոռվա թագավո-
րության տարածքը) ստացել էին արքունիքից՝ պայմանական-ժառանգական
տիրության իրավունքով։ Այստեղ թագավորության կազմավորումից հետո էլ
հողի գերագույն սեփականատերը Բագրատունյաց արքունիքն էր³³։ Գավառա-
կան թագավորներից միայն Արծրունիներն էին, որ կարճ ժամանակամիջո-
ցում փորձեցին մրցել Բագրատունիների հետ՝ «Հայոց թագավորի» թագին
տիրանալու համար, այն էլ ապարդյուն։ Արծրունիներն անհաջողություն կրե-

²⁹ Հ ո վ հ ա ն ն ե ս Դ ր ա ս խ ա ն ա կ ե ր տ ց ի, էջ 179, 205, 295։

³⁰ Նույն տեղում, էջ 301—303, 320—322։

³¹ Լ. Մանանդյան, Քննական տեսություն հայ ժողովրդի պատմության, հ. Բ, մաս. Բ, Երևան, 1960, էջ 34, 302, ն ու յ ն ի՝ О торговле и городах Армении в связи с мировой тор-
говлей древних времен, Ереван, 1954, стр. 202—203։

³² С. Еремян, Присоединение северо-западных областей Армении к Византии в XI в. (ՀՍՍՀ ԳԱ «Լրաբեր», 1971, № 3, էջ 6), «Հայ ժողովրդի պատմություն», հ. III, Երե-
վան, 1976, էջ 269։

³³ Ադ. մասին մանրամասն տե՛ս ՀՍՍՀ ԳԱ «Լրաբեր», 1976, № 3, և 1977, № 1։

ցին, որովհետև ռազմատնտեսական կարողությամբ չկարողացան գերազանցել Բագրատունիներին: Խնդրո առարկա ժամանակաշրջանում (IX—XI դդ.) այդ ուժը հենվում էր ժառանգական հողատիրության և վասալական կապերի վրա, իսկ այդ շափանիշներով, ինչպես արդեն ասվեց, Հայաստանում ամենագործող Բագրատունիներն էին: Վերը մենք տեսանք, որ Բագրատունի գահերեցները (շահնշահները) «ուխտերի» միջոցով համախմբեցին հայ ֆեոդալներին՝ վերջիններիս համար թագավորական իշխանությունը մի կենտրոն էր, որի հետ նրանք կապված էին «ծառայության լծով»: Դրանով իսկ առաջ էին եկել դաշնակցային կապեր, որոնք երաշխավորված էին փոխադարձ պարտականություններով: Այսպիսով, թագավորական իշխանությունը կատարում էր դաշնակցային կամ ֆեդերատիվ կենտրոնի դեր: Թագավորական իշխանությունը (Բագրատունի գահերեց Շիրակ-Արշարունիքի ֆեոդալական տունը) նույնպիսի խոշոր հայրենատեր-հողատեր էր, ինչպիսիք էին Արծրունիները և մյուսները, բայց նրանց գերազանցում էր տնտեսական կարողությամբ և ռազմական զորությամբ: Մյուս հայրենատեր-հողատերերը ձանաչում էին Բագրատունիների առաջնությունը ֆեոդալական սանդուղքում: Դա առավել ակնառու արտահայտվեց նրանում, որ Արծրունիների և Սյունիների համաձայնությամբ ու աջակցությամբ Բագրատունի գահերեց Աշոտ իշխանը հռչակվեց «Հայոց թագավոր»: Մասնագիտական գրականության մեջ նման խոշորագույն ֆեոդալը անվանվում է «առաջինը հավասարների մեջ» (Primus inter pares)³⁴: Պետականության առկայության պայմաններում նա զիջավորում է պետական իշխանությունը և իրավական ակտով ձանաչվում «Թագավոր»: Եթե ուրվադժնեք Բագրատունի թագավորների դիրքը վասալական-սուզերենական համակարգում, ապա կտեսնենք, որ Բագրատունյաց տոհմի ավագը IX—XI դդ. հայկական պետության սահմաններում վարում էր «Հայոց թագավորի» պաշտոնը, տոհմական տիրույթների շրջանակներում տոհմակիցների նկատմամբ նա գահերեց էր և ազգապետ, իսկ անձնական տիրույթներում՝ «ստէր»:

Այսպիսով, Բագրատունիների թագավորական տիրույթն արտահայտում էր այն իրավիճակը, որը գոյություն ուներ երկրի սոցիալ-քաղաքական կառուցվածքում և համազոր էր պետական իշխանությանը մի պետությունում, որը IX—XI դդ. իրենից ներկայացնում էր ֆեոդալական տների դաշնակցային կապ:

Այդ տեսանկյունից ճշմարտությանն ավելի մոտ են լեոյի և ակադ. Ա. Հովհաննիսյանի կարծիքները: Աշոտ Ա-ի ներքին քաղաքականության մի խոշոր գիծն այն էր, գրում է լեոն, որ նա աշխատում էր ազգակցական կապերի վրա հիմնված մի ավատական դաշնակցություն ստեղծել իր իշխանության շուրջը³⁵: Ճիշտ բնութագրելով 862—890 թթ. Աշոտ Բագրատունու իշխանապետությունը որպես ֆեոդալական ֆեդերացիա (ավատական դաշնակցություն), լեոն անհասկանալի պատճառով այդ ֆեդերացիան սահմանափակում է ազգակցական կապերով (նկատի ունենալով Աշոտ Ա-ի ազգակցությունը Արծրունիների և Սյունիների հետ) և չի վերլուծում վասալիտետը որպես ինս-

³⁴ А. Сукпаян, *Узл. шл.*, էջ 200, «Советская историческая энциклопедия», т. 4, стр. 652.

³⁵ *Լեոն*, Հայոց պատմություն, հ. 2, Երևան, 1967, էջ 498:

տիրտուտ: Ակադ. Ա. Հովհաննիսյանը չհամաձայնվելով այլոց կարծիքին, որոնք Աշոտ Ա-ին համարել են բացարձակ միապետ, վերջինիս դիտում է որպես լոկ վասալական տիրույթների վրա գերիշխող թագակիր³⁶: Հեղինակը միանգամայն իրավացի է, որ Աշոտը (և ընդհանրապես Բագրատունի գահերեցը) թագավոր էր վասալական տիրույթների վրա, քանի որ թագը նրա իրավունքների ճանաչումն էր (խալիֆի) և հայ ֆեոդալների կողմից: Բայց «լոկ թագակիր» արտահայտությունը երկիմաստ հեգնական երանգ է տալիս նրա խոսքերին, որ բոլորովին տեղին չէ:

Իհարկե, Բագրատունիները իշխում էին վասալական տիրույթների վրա: Այդ դարաշրջանում՝ ֆեոդալական մասնատվածության և բազմաթիվ ինքնուրույն և կիսանկախ իշխանությունների առկայության պայմաններում, վասալիտետը իշխող դասակարգի համար քաղաքականապես կազմակերպվելու և համախմբվելու միակ միջոցն էր: Այլ կերպ չէր էլ կարող լինել, քանի որ IX—XI դդ. Հայաստանն ապրում էր մի շրջան, երբ ֆեոդալականացման պրոցեսի խորացման հետևանքով կենտրոնական իշխանությունը՝ թագավորն ինքը, մյուս ֆեոդալների նման, դարձել էր կալվածատեր: Հելլենիստական շրջանի միասնական կենտրոնացած պետությունը, որի գլուխ կանգնած էր ինքնակալը կամ «անսահմանափակ միապետը»³⁷, վաղուց արդեն քայքայվել էր: Արշակունյաց պետության երկրորդ շրջանից (III դ. վերջ IV դ. սկիզբ) ինքնակալին փոխարինել էր ֆեոդալ գերագույն սյուզերենը, որը գլխավորում էր վազ ֆեոդալական միապետությունը³⁸: Այդ գերագույն սյուզերենը այլևս չէր կարող լինել բացարձակ միապետ կամ բռնապետ, ինչպես համարել են առանձին հետազոտողներ³⁹: Ֆեոդալիզմի զարգացման հաջորդ շրջանում, որը համընկավ Բագրատունիների տիրապետության հետ, ֆեոդալական դասակարգի քաղաքական կազմակերպությունը հարմարվեց նոր պայմաններին՝ անհատ բաժնետերերի ժառանգական հողատիրությանը:

Այդ պատմաշրջանում կապը ֆեոդալների և թագավորի միջև կարող էր իրագործվել միայն փոխադարձ պարտականությունների՝ վասալիտետի միջոցով, իսկ պետությունը կարող էր հանդիսանալ միայն իշխանությունների միություն՝ ֆեդերացիա:

Անշուշտ X—XI դդ. պատմության տարբեր էտապներում վասալական-սյուզերենական կապերը որոշ փոփոխություններ էին կրում՝ կախված տվյալ ժամանակահատվածում գավառատեր իշխանների և կենտրոնական իշխանության ուժի հարաբերակցությունից: Այդ կապերը կարող էին լինել սերտ կամ ժամանակավորապես թուլանալ: Դա առանձին հարց է և պահանջում է հատուկ քննություն, իսկ վասալական հարաբերությունների կառուցվածքի տեսակետից ըստ էության ոչինչ չէր փոխվում: IX—XI դդ. քաղաքական և դասակարգային շահերը ֆեոդալ կալվածատերերին ստիպեցին փոխադարձ երաշ-

³⁶ Ա. Հովհաննիսյան, Դրվագներ հայ աղատադրական մտքի պատմության. հ. 1, Երևան, 1955, էջ 122:

³⁷ «Вопросы истории», 1951, № 7, стр. 55, А. Сукпаян, նշվ. աշխ., էջ 92, 215, 226, «Հայ ժողովրդի պատմություն», հ. I, Երևան, 1971, էջ 667, 823:

³⁸ «Вопросы истории», 1951, № 7, стр. 55, А. Сукпаян, նշվ. աշխ., էջ 183, 200, 206, 212, 214—215, 218—219, 229:

³⁹ Հ. Հարությունյան, Հայաստանը 9—11 դդ., էջ 199, ն. Սամվելյան, Հին հայ իրավունքի պատմություն, Երևան, 1939, էջ 173, 183:

խաղորդությամբ կապվել միմյանց հետ, որի հետևանքով առաջ եկավ նրանց շահերի ազդեցությանը հրաշխիքը՝ ֆեդերատիվ հիմունքներով կազմակերպված Հայոց թագավորությունը:

ВАССАЛЬНО-СЮЗЕРЕННЫЕ ОТНОШЕНИЯ В БАГРАТИДСКОЙ АРМЕНИИ (X—XI вв.)

РАФАЕЛ МАТЕВОСЯН

Резюме

В X—XI вв. армянские княжеские фамилии — Арцруни, Сюни, младшие ветви Багратидов в Ташире, Тароне, Вананде и др. были связаны с Багратидским гегуменом — царем Армении системой вассальных договоров («ухт»-ов) и признавали его верховенство. Государственное устройство армянского царства представляло собой союз княжеских домов во главе с Ширакскими Багратидами. Царь Армении являлся не формальным венценосцем (как ошибочно считал А. Манандян) или абсолютным монархом (А. Арутюнян, Х. Самвелян), а «первым среди равных» — главой феодальной иерархии, верховным сюзереном в масштабе всего государства, Багратидским «азгапетом» — главой Багратидского рода в пределах фамильных владений и «тер»-ом (сеньором) в личных владениях.